



Namminersorlutik Oqartussat
Kommuneqarfik Sermersuullu
Piareersarfinnik
ingerlatsinissamut kiffartuussinissamut
isumaqatigiissutaat

2015

Inuussutissarsiornermut, Suliffeqarnermut Niuernermullu Naalakkersuisoqarfik, 2015



Imarisai

1. Aallarniut.....	2
2. Inatsisitigut killissarititaasut	3
3. Tunuliaqut.....	4
4. Siunertaq.....	4
5. Anguniagassaq	5
6. Piareersarfii siunnerfigisaat suliaqarfissatut	5
7. Suliassat	6
8. Inernerisassatut anguniakkat.....	8
9. Nalunaarusiortarneq.....	9
10. Nakkutilliineq	9
11. Sulisut.....	10
12. Suliffittut aaqqissuussaanera.....	11
13. Aningaasaqarneq	11
14. Akerleriissutit, maleruaannginnerit aamma kaleriisarnerit	13
15. Atuutilernera, atortussaatitaanera, isumaqatigiinniutigineqaqqinna aamma atorunnaarsinna .	14

1. Aallarniut

Killissarititaasut pillugit matumani isumaqatigiissut malillugu Kommuneqarfik Sermersooq Namminersorlutik Oqartussanut suliassaatut anguniagassaatullu pisussaaffigisai aalajangersarneqarput. Namminersorlutik Oqartussat pineqartunut ingerlatsinermut ukiumoortumik tapiissuteqartarput. Isumaqatigiissut Kommuneqarfik Sermersooq aamma Namminersorlutik Oqartussat akornanni suleqatigiinnissamut tunngaviuvoq, taamatullu illuatungeriinnut pineqartunut aqtsinermi sakkussatut atorneqassalluni. Isumaqatigiissummi pineqarput kommunip Piareersarfimmut atatillugu tassaniluunniit suliassai, tunngaviusussat ingerlatsinermut Namminersorlutik Oqartussanit tapiissuteqarsinnaanissamut.

Isumaqatigiissut ukioq ataaseq atuutissaq piffissami 1. januar 2015-miit 31. december 2015-p tungaanut.

Ingerlatsinermut tapiissutit, inernerisassatut anguniakkat ilinniartullu amerlassuserisartagassaat immikkut nassulaaserneqarput *ingerlatsinermut tapissutit inernerisassatullu anguniakkat pillugit isumaqatigiissummut immikkut ilanngussami*, taamatullu 2015-mut atuutitinneqartussami.



2. Inatsisitigut killissarititaasut

Piareersarfinni aqqissuussaasartussanut inatsisitigut qaqugukkulluunniit tunngaviusussat malinneqartuartassapput. Isumaqatigiissusiornermi inatsisitigut tunngavigisassaritinneqartut ukuupput:

- *Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27 30. oktober 1992-imeersoq.*
- *Suliffeqarnermi innersuussisarneq il. II. pillugit Inatsisarsut Inatsisaat nr. 5, 8. juni 2014-meersoq*
- *Ilinniagaqarnersiutit pillugit Inatsisartut inatsisaat nr. 12 22. november 2011*
- *Kalaallit Nunaanni ilinniartitaanermut inuussutissarsiuinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq*
- *Inuussutissarsiuinik ilinniartitsinerit aamma inuussutissarsiuinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq*
- *Suliffeqanngikkallarnermi ikorsiissutit pillugit Inatsisartut inatsisaat nr. 2, 15. maj 2014-meersoq*
- *Aningaasanut ukiumoortumik inatsisissatut Inatsisartunit aalajangiussaq.*
- *Inuussutissarsiuinut ilinniartitaanerit inuussutissarsiuinullu pikkorissartitsisarnerit pillugit Inatsisartut peqqussutaata allanngortinneranik Inatsisartut peqqussutaat nr. 1, 16. maj 2008-meersoq (Inuussutissarsiuinut pikkorissartitsisarnerni tapiissuteqartarnermut inatsisini pineqartut annertusineqarnerat, sungiusaammik sulinermi akissarsianut maleruagassat, kiisalu suliassaqarfip allanngorneranut tunngatillugu erseqqissaatit)*
- *Inuussutissarsiuinut ilinniartitaanerit inuussutissarsiuinullu pikkorissartitsisarnerit pillugit Inatsisartut peqqussutaata allanngortinneranik Inatsisartut peqqussutaat nr. 11, 18. december 2003-meersoq (Sungiusarluni sulinermi tapiissutinut tunngatillugu malitsigisaanik allannguutissat)*
- *Piginnaanngorsaaqqinnissamut ikorsiisarneq pillugu Inatsisartut peqqussutaat nr. 4, 31. maj 2001-imeersoq, aammalu piginnaanngorsaaqqinnissamut ikorsiisarneq pillugu Inatsisartut peqqussutaata allanngortinnera pillugu Inatsisartut peqqussutaat nr. 3, 1. juni 2006-imeersoq.*
- *Suliffissaaleqisunik suliersitsiniarneq pillugu Inatsisartut peqqussutaat nr. 14, 12. november 2001-imeersoq.*
- *Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 16. oktober 2009-imeersoq*
- *Piareersarfinni qitiusumik ingerlatsiviit suliaminnik ingerlatsinerot il.il. naliliisarneq pillugu Namminersornerullutik Oqartussat nalunaarutaat nr. 17 ulloq 16. oktoberi 2007*
- *Suliffeqarnermut, suliffissarsiortut ilinniagaqalerniartullu suliersinnejartarnissaannut kiisalu Kalaallit Nunaannut suliartortartunut tunngasunik kommunalbestyrelsit paassisitissanik nalunaaruteqartarnissaat pillugu Namminersornerullutik Oqartussat nalunaarutaat nr. 20, 19. novembari 2007-imeersoq*
- *Ilinniagaqarnersiutit pillugit Namminersornerullutik Oqartussat nalunaarutaat nr. 21, 13. marts 2012-meersoq*
- *Nuttarnerulersitsiniarluni tapiissutit pillugit Namminersorlutik Oqartussat nalunaarutaat nr. 24, 25. august 2008-imeersoq.*
- *Inuussutissarsiuinut pikkorissartitsisarnernut tapiissutit pillugit Namminersornerullutik Oqartussat nalunaarutaat nr. 21, 1. juli 2008-imeersoq*



- Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. Juni 2008-meersoq
- *Inuussutissarsiornermut, Suliffeqarnermut Niuernermullu Naalakkersuisoqarfimmumt nalunaarsuisarneq pillugu najoqquqtassiissut.*

3. Tunuliaqut

Suliffinnik innersuussisarneq pillugu Inatsisartut peqqussutaat nr. 5, 8. juni 2014-meersoq naapertorlugu Kommuneqarfik Sermersooq kommunalbestyrelsi Ilitsersuillunilu aqqutissiuussisarfimmik pilersitsisimassaaq. Ilitsersuillunilu aqqutissiuussisarfiit matuma kinguliini Piareersarfittut taaneqarput.

Piareersarfittut tassaapput ataatsimoorussamik suliffeqarfiusut ukuninngalu tunngaviusumik anguniagaqartussat:

- Ilinniartitaaneq pillugu tamanut atuuttumik ilitsersuisarneq aammalu inuussutissarsiutinut ilinniartitaanermi lærplinginut immikkut sammisumik sungiusarlutik sulisunut ilitsersuisarneq.
- Piginnaasaqarnerulernissamut ingerlatsillunilu pikkorissartsisarnerit.
- Inuussutissarsiutinut aqqutissiuussineq

Kommunalbestyrelsittaaq aalajangersinnaavaa Piareersarfitt makkunangga suliassinneqassasut:

- Suliffissarsiuussisarneq

Kommunalbestyrelsip aalajangigaanik Piareersarfitt taaneqareersunik suliassinneqarsimappata, kommunimut suliffeqarneq, ilinniartitaaneq aamma piukkunnarsarneq pillugit siunnersorneqarnissamik saaffiginnissutit Piareersarfinnut innersuunneqartassapput. Tamanna matumik ataatsimik periuseqarnermik taaneqartarpoq, tassallunilu Piareersarfitt sulineranni tunngaviusoq, tak. § 12 suliffittut aaqqissussaanermut tunngasoq.

4. Siunertaq

Piareersarfimmik pilersitsinermut tunngaviusumik anguniagaasussaq tassaavoq suliassat pineqartut akornanni ilitsersuillunilu ataqtigliissaarisarnerup pitsaanerulernissaat, taamaasilluni ilitsersorneqarnissamik noqqaasumut suliffeqarneq, ilinniartitaaneq piginnaasaqarnerulernissarlu pillugit ilitsersorneqarlunilu paassisutissinneqarsinnaanissaq pisariinnerulersikkumallugit. Tamanna tunngavigalugu tunngavissaritinneqarpoq inuusuttut pineqartunut tiguneqarnissaminnik qinnuteqartartut, taamatullu piginnaasaqarfigilikamik ilinniagaqalersartut amerlanerulernissaat, taamatullu sulisorineqarsinnaareersut suliffeqarnermi atugarisaasunut sammisumik piginnaasaqarnerulernissaat. Taamatuttaaq aamma tunngavissaritinneqarpoq ilinniartitaanerni taamaatitsiinnartarnerit annikillilerneqassasut pitsaanerusumik ilitsersuisarnikkut. Tunngaviusumik anguniakkat immikkoortunut anguniakkanut ukununngaa immikkualuttunngortinneqarsinnaapput:

- Sulisorineqarsinnaasut piginnaasaqarnerulernissaat.



- Inuussutissarsiutinut ilinniartitaanernut ilinniartitaanernullu allanut qinnuteqaateqartartut piginnaasaqartut amerlanerulersinnissaat.
- Ilinniakkaminnik naammassinnittartut procentinngorlugu amerlanerulernissaat.
- Sulisorineqarsinnaasut akornanni agguataarnerit allanngornissaat, suliamik ilinniagarsimasut imaluunniit sulinermikkut ilikkagaqarsimasut amerlanerulersillugit.

5. Anguniagassaq

5.1 Naalakkersuisut anguniagaraat ukioqatigiinnit 2015-imit meeqqat atuarfianni naammassisunit 70%-it 35-nik ukioqalertinnatik inuussutissarsiutaalersinnaasumik ilinniarsimassapput. Tamanna tunngavigalugu Naalakkersuisut kissaatigalugulu takorluugaraat kommunini Piareersarfiiit anguniagassamut tamatumunnga aalajangiisooqataasinnaanissaat, tamatumani Piareersarfiiit ilinniartitaanerup, suliffegarnerup aamma inuussutissarsiutit akornanni attaveqaatitut atuuttussaammata.

5.2 Inuussutissarsiutinik ingerlataqarfiusut sulisunik piginnaasalinnik pisariaqartitsillutillu noqqaanerat tunngavigalugu inuussutissarsiutinut ilinniartitaanerit taamatut ilinniagaqarnissamut atasumik tiguneqarsinnaanissamut piumasaqaateqartarput. Anguniakkatullu aaqqissuussat piviusunngortitsivigisinnajumallugit Piareersarfiiit ilaatigut ilitsersuillutillu aqqutissarsiuussisarnermikkut, imaluunniit AEU-mi¹, meeqqat atuarfiannit soraarummeersimaneq imaluunniit atuakkanut tunngangnitsunik pikkorissarneq aqqutigalugit piginnaasaqarfiusumik ilinniagaqarnissamut qinnuteqartut ataasiakkaat piginnaasaqarnerulersissinniassavaat. Kommunalbestyrelsillu Piareersarfinni sulisut pingarnertut suliassanik assigisaannillu isumaginnissinnaanissaannut piginnaassutsinik ingerlaavartumik piorsaallutillu ineriertortitsisassapput.

6. Piareersarfiiit siunnerfigisaat suliaqarfissatut

6.1 Nunatsinni nunattalu avataani² ilinniagaqarumallutik qinnuteqartut aqqutissiuutissallugit kiisalu suliffittaarniarlutik noqqaasut.

6.2 Inuussutissarsiornermik Ilinniarfinni lærlingitut aallartittut aamma pineqartut sungiusarlutik sulineranni malinnaaviginissaat.

6.3 Meeqqat atuarfianni atuartut 18-nit tikillugit ukiullit kommuunimi atuarfeqarfik suleqatigalugu

6.4 Ilinniagaqalernissamut suliffeqarnermulluunniit piginnaasaqarnerulerumallutik qinnuteqartut. Piareersarfiiit suliassaminnik naammassinnissinnaasarnissaannut tunngaviussaaq Piareersarfinni ilitsersuisartut/aqqutissiuussisartut ilisimassammassuk qinnuteqaateqartut qanoq tunuliaqtaqarnerat tunngavigalugu Piareersarfimmi piginnaasaqarnerulersinnaanissaannut atasumik

¹ AEU: Anerkendt Erhvervsintroducerende Uddannelse (Inuussutissarsiutinut ilinniagaqalernissamut piareersarfik akuerisaasoq)

² Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq kap. 4, §18



innersuussisinnaanissaq. Piareersarfíit immikkut katsorsaavittut ingerlanneqassanngillat³, taamaallaalli piginnaasaqarnerulerfiusussatut. Imaappoq, inuit piginnaasaqarnerulernissaannik Piareersarfímmut innersuussat pineqartunut kajumissuseqartuussapput, aammalu piviusorsiortumik tunngavilimmik periarfissaqassallutik ingerlassassammink naammassinnissinnaanissamik, kiisalu piginnaasaqarnerulernissaminnut ingerlassartik naammassiguniku ilinniagaqalernissamut suliffeqalernissamulluunniit ingerlariaqqissinnaanissamik.

6.5 Inuit katsorsarneqarnissaminnik pisariaqartitsisut, taamatullumi aamma Piareersarfíit neqeroorutigisinnaasaannit allatigut malinnaavigineqarnissamik pisariaqartitsisut Piareersarfínnit innersuunneqartassapput kommunimi isumaginninnermik oqartussaasunut, tamatumuunakkut pineqartunut isumaginninnermik oqartussaasunit pitsaanerpaamik iliuuseqartoqarsinnaanissaa pillugu suleqatigiittoqarsinnaaqqullugu⁴.

7. Suliassat

Kommuneqarfik Sermersuumi kommunalbestyrelsi inatsisit naapertorlugit suliassanik arlalinnik isumaginninnissamut akisussaasuovoq. Tamanna tunngavigalugu Kommuneqarfik Sermersuumi kommunalbestyrelsi matumani kiffartuussinissamik isumaqtigiiissut malillugu suliassat matuma kinguliini taaneqartut isumagineqarnissaannut akisussaavoq.

7.1 Siunnersuineq

- Innuttaasut siunnersorneqarnissamik pisariaqartitsisut kiffartuuttarnissaat oqaloqatigiillunilu siunnersortinnikkut ingerlariaqqinnissamik neqeroorfigalugit.
- Suliffeqartunik pikkorissartitsinernillu pisariaqartitsisunik toqqartuineq (Aningaasat Inatsit naapertorlugu, PKU allanillu).
- Inuussutissarsiutinut ilinniarfinnun attaveqarneq pikkorissartitsinerit pillugit.
- Sumiiffinni nunallu immikkoortuini inuussutissarsiortunut qanimut attaveqarneq.

7.2 Ilinniartitaanerit pillugit tamanut atuuttumik aqqutissiuussineq aammalu Ilinniarfinni lærlinginut immikkuullarissumik aaqqissuisarneq.

- Ilinniartitaanerit pillugit aqqutissiuussineq.
- Nunatsinni ilinniartitaanernut qinnuteqarnissamut immersuiffiliat immersornissaannut ikiuunnissaq, isumagalugulu pappialat ilanggussassat pisariaqartinneqartut tamarmik ilanngunneqarsimasarnissaat.
- Nunatsinni ilinniagaqarnissamut qinnuteqaatinik aammalu ilinniagaqarnersiuteqarnissamut qinnuteqaatinik tigooqqaallunilu ingerlatitseqqiisarneq.
- Nunatsinni inuussutissarsiutinut ilinniarfinnit neqeroorutigineqanngitsunut qinnuteqaatinik tigooqqaaneq. Tamanna Nuummi annerpaamik atugaasarpoq.

³ Katsorsaanertut pineqarput suliassat katsorsaasinnaanermik immikkut ilinniagaqarsimanissamik piumasaqaateqarfíusut, assersuutigalugu atornerluisuunermut katsorsaasarnerit imaluunniit inunnut tarnimikkut annertuunik ajornartorsiuteqartunut tarnip pissusaanik ilinniagaqarsimasutut ikorfartuisinnaasut (psykologit).

⁴ Nuna tamakkerlugu aqqutissiuussinermut centerimut innersuussisogartassaag AEU-rtut, FA-rtut atuakkeriffiungitsunilu Piareersarfíup iluani ingerlatsisut ilinniartullu pineqartillugit.



- Ilinniagaqartut Kalaallit Nunaata avataanut ilinniariartorlutik angalanerannut atasumik bilsinik inniminniissussisarnerit suliassallu allat pisariallit isumagsarnissaat.
- Ilinniagaqarnersiuteqarfimmut nalunaarutiginnittarneq.
- Inuit ilinniagaqarnissaminnik qinnuteqartut pillugit nalunaarsuillunilu paasissutissaannik katersineq, tak. nalunaarusiortarneq pillugu § 8.
- Inuussutissarsiutinut ilinniartitaanerni lærlinginut ilinniagaqalernissaat sioqqullugu sungiusarlillu sulinerisa nalaanni ilinniakkamut sungiusarlunilu sulinermut aqqtissiuussineq.
- Ilinniartut pillugit oqaaseqaasiortarneq.
- Inuussutissarsiutinut ilinniartitaanerni lærlingit Inuussutissarsiutinut ilinniarfinnut aallarnisarsinnaanerannut atasumik piareersaasiortarnerit.
- Sungiusarluni suliffiusinnaasunik pissarsiniartarlunilu pineqartunut attaveqartarnerit.
- Sungiusarluni suliffiusinnaasumik akuersinissamut qinnuteqaatinik tigooqqaallunilu ingerlatitseqqiissarnerit.
- Lærlinginut isumaqtigiliissusiortarnerit.
- Inuussutissarsiutinut ilinniarfinnut attaveqartarneq suliamullu attuumassuteqartut pingasuit pineqartut oqaloqatigiliissineqartarnerannik (3-parts samtaler) isumaginninneq.
- Nunap immikkoortuani pisariaqarpat ilinniarfimmiitinneqarnerit.

7.3 Piginnaasaqarnerulerneq

- Innuttaasunik suliffissaaleqisunik pikkorissartitsinernut piginnaasaqarnerulerfiusussanut innersuussillunilu misissuinerit aamma aqqtissiuussisarnerit.
- Inunnik inuussutissarsiutinut ilinniagaqalernissamut piginnaasaqarnerulerumasunut AEU-mik (Inuussutissarsiutinut ilinniagaqalersinnaanissamut piareersarfik akuerisaasoq) ingerlatsineq. Immikkoortukkuutaartunik (modulikkaartunik) misilitsinnernik ingerlatisarneq AEU-milu atuartut pikkorissarsimanerannik uppernarsaatnik tunniussisarnerit.
- Inunnik *Meeqqat atuarfianni inaarutoasunik naliliineq pillugu Namminersornerullutik* Oqartussat nalunaarutaat nr. 3, 9. januar 2009-imeersoq naapertorlugu piareersaataasumik ilinniagaqarnissamut piginnaasaqarnerulerumallutik meeqqat atuarfiannit soraarummeersitsinermik ingerlatsineq.
- Inuuusuttunik suliffissaaleqisunik allanillu suliffeqarnermut piareersimasunngortitassanik ilinniartitaanikkut piareersaataasunillu ingerlatsinerit, ilanngullugit ilinniartitaanernut imaluunniit inuussutissarsiutinik ingerlataqartunut ingerlatitseqqiissarnerit, assersuutigalugit inunnut atuagarsornikkut ingerlatsinissamut piareeqqanngitsunik inuttut ineriartortitsinermik ingerlatsinerit.
- Piareersarfinnut immikkut højskolinut ilinniariartornissamut innersuussisarnerit.

7.4 Inuusuttut 18-it tikillugit ukiullit pillugit Kommuunimi atuarfeqarfip sulegatiginera

- Kommuunimi atuarfeqarfik atuarfiit, meeqqat atuarfii namminersortut, efterskolit, højskolillu aamma ilinniarijt ikaarsaariarneq pillugu ilitsersuinerisa piareersarneranni ingerlatsinerillu ikiorlugit
- atuartut naammassisut pillugit meeqqat atuarfiisa iliuusissatut pilersaarutaat suliarineqarnikut assilinerannik tigooraaneq atortullu aqqtissiuussinermi atugassat pisariaqartut, tassunga



ilanngullugit atuartut ataasiakkaat atuarnermik naammassinermut upernarsaataat karakterillu pillugit paassisutissat

- inuuusuttunut immikkut aqqutissiuunneqaristik ilinniarnermik aallartitsinissamik ingerlatsinissamillu inuussutissarsiornermilluunniit toqqaanissamik ajornartorsiuteqartunut ajornartorsiuteqartussanulluunniit siunnerfeqartumik aqqutissiuussineq
- Inuuusuttunut meeqqat atuarfiannit assigisaannilluunniit atuartussaatitaanermik naammassillutik atuarunnaarsimasunut, ilinniarnermik inuussutissarsiummilluunniit aallartitsisimangitsunut imaluunniit ilinniagaqarnermik unitsitsimasunut ujartuilluni aqqutissiuussisoqartassaaq
- inuuusuttoq meeqqat atuarfianni naammassereernerup kingorna ilinniarnermik inuussutissarsiornermilluunniit aallartitsisimangippat imaluunniit inuussutissarsiornermik ilinniarnermilluunniit taamaatitsisimappat inuuusuttut taakkununngalu angajoqqaatut oqartussaassuseqartut sulegatigalugit ilinniarnissamut iliuusissatut pilersaarusiorneq
- Inuuusuttunut meeqqat atuarfiannit iliuusissatut pilersaarusiorsimangitsunut ilinniarnissamut pilersaarutip sapinngisamik inuuusuttup taamanikkut atuarfigisimasaa peqataatillugu suliarineqassaa qulakkeerlugu
- ilinniagaqarnissamut iliuusissatut pilersaarutip piviusunngortinnissaa pillugu aamma anguniakkat nutaat nutartikkalluunniit aalajangersarnissaa pillugu inuuusuttoq 18-it ataallugit ukiulik tassungalu angajoqqaatut oqartussaassuseqartoq pisariaqartitsineq malillugu minnerpaamilluunniit ukiumut ataasialutik oqaloqatiginninneq

7.5 Suliffissarsiuussineq

- Suliffissarsiuussisarneq suliffinnillu innersuussisarneq suliffissarsiortunut aamma sulisussanik innersuussineq sulisitsisunut inuussutissarsiutinut tamanut kiisalu atorfinnut assiginngiaanut
- Aqqutissiuussineq kiisalu ilinniarnissamut qinnuteqaatinik suliaqarneq
- IT atorlugu suliffissarsiuussinermik innuttaasunut neqerooruteqarneq.
- Suliassaqartitsineq, piginnaanngorsaaqqinneq ilinniaqqitsitsinerlu isumagissallugit.
- Iliuusissamik pilersaarusiorneq suliffissarsiortunut kiisalu Piareersarfimmi ingerlataqartunut
- Suliffissarsiortut CV-liornermik ikiorglugit
- Suliffeqanngitsunut pikkorissartitsinerit (ilaatigut PKU) aqqissutissallugit peqataanissamullu piukkunnartorsiortassallutik.
- Sulisussaqartitsinermut inatsit naapertorlugu aqtsinissaq.
- Nuttarnissamut tapiissutinik qinnuteqaatinik tigooraaneq, innuttaasunut suliffik aallaavigalugu nuukkusuttunut
- Sulinngiffegarnermi tapiissutinik qinnuteqaatinik tigooraaneq aamma suliaqarneq

8. Inernerisassatut anguniakkat

Naalakkersuisut anguniagaraat ukioqatigiinnit 2015-imit meeqqat atuarfianni naammassisunit 70%-it 35-nik ukioqalertinnatik inuussutissarsiutaalersinnaasumik ilinniarsimassapput.

Aqqutissiuussinermut suliniummi anguniagaavoq Piareersarfii atuartut naammassisut pillugit meeqqat atuarfisa iliuusissatut pilersaarutaat suliarineqarnikut assilinerannik tigooraaneq atortullu



aqqutissiuussinermi atugassat pisariaqartut, tassunga ilanggullugit atuartut ataasiakkaat atuarnermik naammassinermut upernarsaataat karakterillu pillugit kiisalu atuartunut atuarnermik naammassinnittunut iliuusissatut pilersaarutit meeqqat atuarfianni suliarineqartut assilinerannik ilinniarnertuunngorniarfiit, inuussutissarsiutinut ilinniarfiit imaluunniit qitiusumik ilinniarfiit tigusaqarnissaat qulakkeerneqassaaq. 8.1 Tunngavissaritinneqarpoq kommunini ataasiakkaani inuusuttut allallu tunngaviusumik anguniakkat naapertorlugit piginnaasaqarfifilikkamik naammassinnittarnissaat, taamaasillutik inuusuttut allallu piginnaasaqarfifilikkamik ilinniartitaanermik amerlaneruleriartortut naammassinnissinnaasaleqqullugit (tak. § 4).

8.2 Ukiuni aggersuni aalajangersimasumik anguniakkat *ingerlatsinermut tapiissutit aamma inernerisassatut anguniakkat pillugit isumaqatigiissummut ilanggussamut ilangutitinneqarsinnaapput.*

9. Nalunaarusiortarneq

9.1 Kommunalbestyrelsi pisussaatitaavoq Piareersarfimmi aaqqissuussarisartakkat pillugit ingerlaavartumik inaarutaasumillu naliliinernik ukiumut marloriarlutik suliaqartarnissamik, taakkulu Namminersorlutik Oqartussanut nassiuttarnissaannik. Nalunaarusiornermi paassisutissat minnerpaamik ilaatinneqartartussat Piareersarfinni qitiusumik ingerlatsiviit suliaminnik ingerlatsinerat il.il. *naliliisarneq pillugu Namminersornerullutik Oqartussat nalunaarutaat nr. 17, 16. oktober 2007-imeersumi* allassimapput. Nalunaarusiorneq ingerlanneqartassaaq Namminersorlutik Oqartussat Piareersarfinnut qarasaasiatigut atugassiaannut paassisutissanik ingerlaavartumik ilioraasarnikkut.

9.2 Nalunaarusiorneq Piareersarfinnut qarasaasiatigut atugassiaq iluaqutigalugu paassisutissat nalinginnaasumik tamanut atuutsinneqartut atorlugit pisassaaq. Programmi pineqartoq Namminersorlutik Oqartussanit aserfatsaaliorneqarpoq ineriartortinneqartuarlunilu.

9.3 Namminersorlutik Oqartussat aamma Kalaallit Nunaanni Naatsorsueqqissaartarfik Piareersarfiit aaqqissuussarisartagaat pillugit naatsorsueqqissaarinikkut nalunaarsueqqissaarinikkullu paasisutissanik qaqugukkuulluunniit aallersinnaapput, tak. Piareersarfinni qitiusumik ingerlatsiviit suliaminnik ingerlatsinerat il.il. *naliliisarneq pillugu Namminersornerullutik Oqartussat nalunaarutaat nr. 17, 16. oktober 2007-imeersumi aamma Inuussutissarsiornermut, Aatsitassaqarnermut Suliffeqarnermullu Naalakkersuisoqarfimmut nalunaarsuisorneq pillugu najoqqutassiissut.*

10. Nakkutilliineq

10.1 Namminersorlutik Oqartussat kiffartuussinissamik isumaqatigiissutip malinneqarneranik suliassallu suliarineqarnerannik qaqugukkulluunniit nakkutilliisinnaatitaallutillu nakkutilliisussaatitaapput.

Namminersorlutik Oqartussat nakkutilliinerat marluinnik siunertaqarpoq: Aappaatigut ingerlaavartumik nalunaarutigineqartartut malinnaaffigisarnissaat isumannaarlugulu najukkami pineqartunik ineriartortitsineq Naalakkersuisut nuna tamakkerlugu kissaatigisaannut naapertuuttuunissaannik, aappaatigullu kommunit oqaloqatigisarnissaat, taamatullu suliatigut ikorlugillu, ikorfartorlugillu ilitsersortarnissaat - tamakku pisariaqartinneqarpata.



11. Sulisut

11.1 Kommunalbestyrelsip isumaqatigiissut una naapertorlugu ingerlatsinermi suliassanut ilanngullugu isumannaagassaraa allaffissornikkut aqutsinissaq, sulisunillu atorfinititsillunilu soraarsitsisarnissaq. Piareersarfnni sulisorineqartartussanut tunngavissarititaavoq qullersaqarnissaat, aqqutissiuussisoqartassasoq ilinniartitsisartoqassorlu, aammalu pisariaqartillugu allanik sulisoqartassasoq. Kommunalbestyrelsip kissaatissappagu faginut qullersamik qitiusumik inississimasumik Piareersarfnnilu najukkani inissisisunik aaqqissuisoqassasoq, tamanna periarfissaassaaq kommunip tamatuminnga aalajangernissaanik taamaallaat tunngaveqartumik.

Namminersorlutik Oqartussanit ingerlatsinermut tapiissutitut akiliutigineqartut, tak. *ingerlatsinermut tapiissutit aamma inernerisassatut anguniakkat pillugit isumaqatigiissummut ilanngussa*, taamaallaat atorneqarsinnaapput ilitsersuisartutut ilinniartitsisartullu kiisalu Piareersarfimmi qullersamut aningaasarsiaqartitsinssamut. Taakku saniatigut pineqartunut atasumik aaqqissuussaasartunut, assersuutigalugu ilinniartitaanermut suleqatigiinnermullu atatillugu angalanernut, pikkorissartitsinerni atortussanut aammalu ilinniartitsisarnerni atortunut. Kommunalbestyrelsip kissaatigippagu Piareersarfnni qullersat amerlassuserisassaasa saniatigut faginut qullersamik atorfinititsisoqassasoq, taamatut atorfimmut aningaasartuutissat kommunip kisimi isumagisassarissavai.

11.2 Kommunalbestyrelsi Piareersarfimmi sulisunik katiterinerminnut atatillugu isumagissavaat sulisoqatigiaat ima amerlatigalutillu ima katitigaassasut pisariaqartitanillu ima piginnaasaqassasut pisinnaasaqarlutillu isumannaarsinnaassallugu suliassanik isumaginninnerup pitsaassusilimmik piginnaasaqarfiusumillu ingerlanneqarsinnaanngorlugit, taamaasilluni inernerisassatut anguniakkat anguneqarsinnaaqqullugit. Taamaattumik sulisut ilinniartitaanikkut misilitakkamikkullu tunuliaqutarisaat Piareersarfiit suliassaannut anguniagassaannullu naleqquttuussapput taamaasilluni innuttaasut Piareersarfiup ataani qaffasaanermik neqeroorummi ingerlatsisut aqqutissiorneqartullu piginnaanitsisumik piareertarnissaat anguniarlugu. Piareersarfnni sulisunut piginnaannngorsarnerunissamut neqeroorutit Namminersorlutik Oqartussanit isumagineqassapput.

11.3 Sulisut aningaasarsiatigut atorfegarnermilu atugarisaat pisortat isumaqatigiissutaannut isumaqatigiissusiaannullu ilaatinneqarput, Nunatsinni Naalakkersuisut kattuffiillu pineqartunut isumaqatiginninniarsinnaatitaasut akornanni isumaqatigiissusianut – ilaallutik kommunini suliamik ilinniagaqarsimasutut qullersatullu tjenestemanditut atorfegartitanut aningaasarsiatigut sorlermut inissinneqarnissamut isumaqatigiissut (klassificeringsaftale) aammalu Piareersarfnni faglærerinut qullersanullu piffissaq suliffiusussaq pillugu isumaqatigiissut.

11.4 Kommunalbestyrelsimit periarfissaavoq kommunimi meeqqat atuarfianni ilinniartitsisumik amerlanerusunilluunniit Piareersarfimmut kommunilluunniit ingerlataqarfianut allamut nuussisinnaanissaq. Tamanna pisinnaavoq *Meeqqat atuarfianni sulisorisat Namminersornerullutik Oqartussani Nunatsinnilu kommunini sulisinnaanissannut isumaqatigiissut (katigussamik atorfinititsineq)* naapertorlugu, taamatullu IMAK-ip aamma Nunatsinni Naalakkersuisut 2008-mi isumaqatigiissutigisaat.

11.5 Namminersorlutik Oqartussat ikiuussinnaavoq sulisunik piukkunnartunik atorfinititsinssamut.



12. Suliffittut aaqqissuussaanera

12.1 Kommunalbestyrelsi matumani kiffartuussinissamik isumaqatigiissuteqarnikkut pineqartumut inatsisiliat naapertorlugit suliassanik isumaginninnissamik pisussaaffilerneqarpoq. Piareersarfiiit naalakkersuinikkut allaffissornikkullu aaqqissuussivineqarnerat kommunalbestyrelsimi aalajangikkat tunngavigalugit ingerlanneqassapput, taamatullu suliassat naapertuunnerpaamik suliarineqarnissaannut najukkami pissutsit mianeralugit.

Kommunip tamanna kissaatigippagu Namminersorlutik Oqartussat Piareersarfiiup suliffittut aaqqissuussaanissaa pillugu suliatigut ikorfartuisinnaapput.

12.2 Piareersarfiiit ataanni suliassat assigiiungitsut aaqqissugaanerat sumilu inissisimatinneqarnerat innuttaasunut erseqqissuussaaq. Ilutgalugu tunngavissaritinneqarpoq Piareersarfiiit saaffissap ataasiinnaanissaanik § 2-mi nassuaatigineqartutut tunngavissiaritinneqartoq periarfissaatillugu sapinngisamik malissinnaassagaat.

13. Aningaasaqarneq

13.1 Piareersarfiiup ingerlanneqarneranut ineriertortinnejarnissaanullu aningaasartuutit kommunip akiligassarai. Aningaasalersornera ilaatigut pisarpoq Namminersorlutik Oqartussanit ingerlatsinermut tapiissuteqartarnikkut, ilaatigullu aaqqissuussarisartakkanut kommunip assinganik tapeeqataasneratigut. Aningaasalersuinerit suliassat naammassinissaannut naammattunik atugassaqartitsinissamut ataatsimut isumannaarutaassapput. Ukiunut aningaasanut inatsiseqarfiusunut atatillugu ingerlatsinermut tapiissutit annertussusissaat ingerlatsinermut tapiissutit aamma inernerisassatut anguniakkat pillugit isumaqatigiissummut ilanngussami nassuaatigineqarput.

13.2 Namminersorlutik Oqartussat sinnerlugit Inuussutissarsiornermut, Suliffeqarnermut Niuernermullu Naalakkersuisoqarfik ingerlatsinermut kommunimut ukiumoortumik tapiissuteqartarpooq. Ingerlatsinermut tapiissutit 80%-ii ukiut tamaasa 1. februar akilerneqartarput. Sinneruttut 20%-ii ukiumi pineqartumi 1. oktober killigalugu ąkilerneqartarput kiffartuussinissamik isumaqatigiissummi aamma isumaqatigiissummut ilanngussami isumaqatigiissutit naapertorneqarsimagaangata. Taamaattoqarsimanngippat naalakkersuisoqarfiiup kommunimut ingerlatsinermut tapiissutinit sinneruttut 20%-ii uninngatissinnaavai kommunalbestyrelsi naammaginartumik nassuaateqartinniarlugu. Taamaaliortoqanngippat naalakkersuisoqarfiiup kommunimut ingerlatsinermut tapiissutit 20%-ii akilinngiinnarsinnaavai pisariaqarpallu suleqatigiinninerup unitsinneqarnissaanut iliuuseqarluni, tak. § 14. Ingerlatsinermut tapiissutit tamarmiusut ukiumut aningaasanut inatsiseqarfiusumut taamatullu ingerlatsinermut tapiissutinik akiliuteqarfiusumut tamarmut matussutaassapput. Kommunalbestyrelsi ingerlatsinermut tapiissutinik allaffissornikkut aqutsinermut akisussaavoq, taamatullu Namminersorlutik Oqartussanut § 8.1 naapertorlugu nalunaarusiortartussaatitaalluni.

Namminersorlutik Oqartussat Inuussutissarsiornermut ilinniartitaanerni lærlingiinut atasumik suliassanut tapiissutigisartagaat aaqqissuussarisartakkallu ilinniartut amerlassusiat tunngavigalugit annertussusilerneqartarput, aalajangiunneqartarlillu ukiumut tulliuttumut Aningaasanut Inatsisissamut sammisumik ukiup aningaasaliissuteqarfiusussap siornani ilinniartorisat amerlassuserisaat ukiumoortumik 1. oktober killigalugu.



Piareersarfinnut tapiissutit allat tassaapput ingerlatsinermut aalajangersimasumik tapiissutit.

13.3 Iluniagaqarnersiutit aningaasaliissutigineqartarpuit Piareersarfinni iluniagaqartussatut amerlassusiliussat malillugit. Amerlassusissaat ukiumoortumik isumaqatigiinniutigineqarlutillu aalajangersarneqartarpuit ingerlatsinermut tapiissutigumaagassatut nalunaarutigisanut atatillugu.

Kommunalbestyrelsi isumaqaruni ilinniartorisassatut amerlassusiliussat aaqqiivigineqarnissaat pisariaqartoq, kommunalbestyrelsi naalakkersuisoqarfimmut tamanna pillugu allakkatigut tunngavilersukkamik qinnuteqaateqarsinnaavoq. Qinnuteqaat ilinniartorisassatut amerlassusiliussat piovereerut, ilinniartitsisoqarneq ininillu periarfissaallutillu atorsinnaasat pillugit nassuaammik ilaqtinnejqassaaq. Amerlassusiliussat aaqqiivigineqarnissaannik tunngavilersuut tamakkiinngitsutut nalilerneqarpat naalakkersuisoqarfik qinnuteqaammik pineqartumik qaqugukkulluunniit itigartitsissuteqarsinnaavoq, tunngavilersuut tamakkiisumik naammassinissaanut.

13.4 Ingerlatsinermut tapiissutit aamma inernerisassatut anguniakkat pillugit isumaqatigiissummut ilanngussaq naapertorlugu ingerlatsinermut tapiissutit kommuninut ataatsimut tapiissutaasartut pillugit siumoortumik nalinginnaasumik procentiliussaasartunut atatillugu akit aningaasarsiallu qaffakkiartornerat malillugit iluarsiivigineqartarpuit. Taakku saniatigut ilinniartoqassuseq malillugu suliassat inuussutissarsiutinut ilinniartitaanerni lærlinginut sammisumik atuuttut iluarsiivigineqartarpuit aammalu pisariaqarpat suliaqarfii iluanni isumaqatigiissutit naapertorlugin atingaasarsiatigut immikkut ittumik qaffaataasinnaasut iluarsiissutaasarlutik.

13.5 Ukiut aningaasanut inatsiseqarfiusumut 2015-mut ingerlatsinermut ataatsimut tapiissutaajumaartussat takuneqarsinnaapput ingerlatsinermut tapiissutit aamma inernerisassatut anguniakkat pillugit isumaqatigiissummut matumani ilanngussami. Kommunimut ingerlatsinissamut tapiissutissatut naatsorsuutigisat siunissami nalunaarutigineqartassapput ukiup aningaasanut inatsiseqarfiusussap siornani oktobarip qaammataani imaluunniit kingusinnerpaamik ukioq aningaasanut inatsiseqarfiusussaq pillugu aalajangeereernerup kingorna. Isumaqatigiissusiorneq 1. januar 2015 kingorna pippat isumaqatigiissusiornermi 2015-p naanissaata tungaanut piffissamut naapertuussakkamik naatsorsorlugu tapiissuteqartoqassaaq.

13.6 Kommunalbestyrelsip pisussaaffigaa Piareersarfimmuit illunik atugassaritinneqartussanillu piukkunnartunik pissarsinissaq, taamatullu aamma pineqartunik ingerlatsineq aserfallatsaaliiisnarnerlu isumagisassaralugit. Illuutinut atugassaritinneqartunullu atasumik sullivinnik avatangiisit pillugit inatsimmi qaqugukkulluunniit piumasaqaatit atuuttut maleruaaffiussapput. Illut Piareersarfinnut atorneqartussat najukkami sapinngisamik qitiusumiitinniarneqartassapput, taamaasillutik kommunimi innuttaasut Piareersarfimmuit orniguffigisassaat sapinngisamik saqqummilaarlunilu naapertuuttumik inisisimatillugu.

13.7 Kommunalbestyrelsi kommunimi kollegianik ingerlatsinermik nakkutilliinermillu akisussaasuuvoq.

13.8 Kommunalbestyrelsi nalinginnaasumik missingersuusiortarnerminut atatillugu Piareersarfimmuit ukiumoortumik missingersuusiortassaaq. Kommunalbestyrelsittaag nalinginnaasumik naatsorsuusiortarnerminut atatillugu Piareersarfimmuit ukiumoortumik naatsorsuutit suliarisassavai.



14. Akerlerliissutit, maleruaannginnerit aammaa kalerriisarnerit

14.1 Matumani isumaqatigiissut killissaritaasunik isumaqatigiissutaavoq. Isumaqatigiissutip imarisaaata qanoq paasineqarnissaanik isumaqatigiinngittooqalerpat illuatungeriit isumaqatiginninniarnermikkut isumaqatigiissinnaanissartik ujartussavaat. Tunngavissaritinneqarpoq illuatungeriit illugillutik pitsasumik siunnerfilimmik isumaqatiginninniarumassuseqassasut.

14.2 Namminersorlutik Oqartussat matumani isumaqatigiissut maleduanngippassuk, kommunalbestyrelsip isumaqatigiissut atorunnaarsissinnaavaa qaammatinik arfinilinnik siumut kalerreereernikkut. Namminersorlutik Oqartussat tamanna sioqquullugu allakkatigut kalerrinneqareersimassapput kommunalbestyrelsip kissaatigigaa isumaqatigiissut atorunnaarsikkumallugu, taamatullu siunnersuuteqassalluni isumaqatigiinngissutaasimasinnaasut piffissaliussami qaammatit sivisunerpaamik marluk ingerlaneranni qanoq aaqqiivigineqarsinnaanerannik. Kommunalbestyrelsi piffissaliussap pineqartup qaangiunnerani suli kissaatiguniuk isumaqatigiissut atorunnaarsinneqassasoq, kommunalbestyrelsi Namminersorlutik Oqartussanut tamanna pillugu nalunaaruteqassaaq isumaqatigiissut qaammatinik arfinilinnik sioqqutsisumik kalerreereernikkut atorunnaarsinniarlugu. Ukiut aningaasanut inatsiseqarfiusussamut aggersumut tapiissutissat pilligit inaarutaasumik nalunaaruteqartoqarneranut sanilliullugu annertuumik allannguuteqartoqarsimappat kommunalbestyrelsip isumaqatigiissut atorunnaarsissinnaavaa ukiup aningaasanut inatsimmik atuuffiusup naanissaanut.

Kommunalbestyrelsip matumani isumaqatigiissut malillugu imaluunniit ilanngussami suliassatut taasat isumagisassat maleduanngippagit Namminersorlutik Oqartussat isumaqatigiissut atorunnaarsissinnaavaat qaammatinik arfinilinnik siumut kalerreereernikkut. Kommunalbestyrelsi tamanna sioqquullugu allakkatigut kalerrinneqareersimassaaq Namminersorlutik Oqartussat kissaatigigaat isumaqatigiissut atorunnaarsikkumallugu, taamatullu siunnersuuteqassallutik isumaqatigiinngissutaasimasinnaasut piffissaliussami qaammatit sivisunerpaamik marluk ingerlaneranni qanoq aaqqiivigineqarsinnaanerannik. Namminersorlutik Oqartussat piffissaliussap pineqartup qaangiunnerani suli kissaatigunikkut isumaqatigiissut atorunnaarsinneqassasoq, Namminersorlutik Oqartussat kommunalbestyrelsimit tamanna pillugu nalunaaruteqassapput isumaqatigiissut qaammatinik arfinilinnik sioqqutsisumik kalerreereernikkut atorunnaarsinniarlugu.

Ima pisqarpat kommunalbestyrelsip suliassatut isumaqatigiissutaasimasut ingerlassinnaajunnaarlugit imaluunniit inernerisassatut anguniakkat angusinnaajunnaarlugit, kommune pisussaavoq Namminersorlutik Oqartussanut tamanna pillugu erngerluni nalunaaruteqarnissaminik.

Ajornartorsiummut pissutaasoq pillugu sukumiisumik tamakkiisumillu nassuaateqartoqassaaq, taamatullu kommunip pisumut aaqqiissutissatut nammineerluni siunnersuutaa ilanngunneqassalluni. Taamatuttaaq sukumiisumik tamakkiisumillu nassuaatigineqassaaq kommunip siunissami suliassat qanoq ingerlanniarnerai inernerisassatullu anguniakkat qanoq anguniarnerai. Inernerisassatut anguniakkanik amigartumik uteqqiasumillu angusaqartannginnerit imaluunniit pineqartunik malinnaatitseqqittannginnerit annertuumik maleduannginnertut nalilerneqassapput, taamatullu aamma sularineqassallutik.



15. Atuutilernera, atortussaatitaanera,

isumaqatigiinniutigineqaqqinna aamma atorunmaarsinna
15.1 Matumani isumaqatigiissut 1. januar 2015 aallarnerfigalugu atuutileroq, atutissallunilu
piiffissami 1. januar 2015-miit 31. december 2015-p tungaanut.

15.2 Piiffissami isumaqatigiissuteqarfiusumi isumaqatigiisummut uunga atasumik allannguutinik
annertuunik pisoqarpat illuatungeriit arlaata qaammatinik pingasunik sioqqutsisumik
kalerreereernikkut isumaqatigiisummit isumaqatigiinniaqqinnissaq piumasarisinnaavaa.
Isumaqatigiinniaqqissinnaatitaaneq maleruaanngitsoqarneratigut pisinnaatitaffigisanik atuuttunik
atuinissamut, tak. § 14, killiliisinnaanngilaq.

15.3 Isumaqatigiissut qaammatinik arfinilinnik sioqqutsisumik kalerreereernikkut illugiimmik
atorunnaarsikkumaneqarsinnaavoq. Isumaqatigiissut atorunnaarsikkumaneqarpat Namminersorlutik
Oqartussat pisussaatinneqalissapput suliassanik inuussutissarsiutinut ilinniartitaanernut
aaqqissuussarisat pillugit suliassat isumagineqarnissaannik, taamatullu matumani isumaqatigiissutip
atsiorneqannginnerani aningaasartuunik agguataarinissamut tunngavissaritinneqartutut atuuttut
tunngavigalugit.

Namminersorlutik Oqartussat sinnerlugit

Kommuneqarfik Sermersooq sinnerlugu
